



TVtilo excellenti ingenio præditus fuit. Itaque ut sese commodius in liberalibus artibus exercere, atque studijs incumbere posset, sese ad Sangallenses monachos contulit, atque Benedictinorum ordinem assumpsit. ibi adeò profecit, ut breui alios uarijs artibus superaret. In primis autem amabat Mathematicas disciplinas, atq; instrumenta Musices. Itaq; uaria organa atq; Astronomicas tabulas ex ære conficiens, longo usu Anaglypticam artem, quæ res in ære, auro, & alijs metallis deliniantur, adeò percepit, ut in ea suo tẽpore nulli esset secundus. Id quod etiamnum uita S. Galli, ab eo ad uiuum in ære expressa, declarat. Is semper in opere e-

rat, aut sese in Musicis instrumentis delectabat. Pietate etiã & omnis generis uirtutibus erat conspicuus, ut meritò ab omnibus diligereẽ. Hinc factum, ut is post mortem inter sanctos cõnumeratus, atq; diuorum catalogo inscriptus fuerit. Floruit sub Carolo Crasso Cæsare, anno Christi 880. Ioan. Stumpff. lib. 5. Heluet. cap. 5.